

05. novembari 2015

Siunnersuut uunga: Naalackersuisut aatsitassanut inatsisip allannguutissaanik, annikitsuin-narmik misissuinissamut aamma piiaanissamut akuersissut inunnt Kalaallit Nunaanni naju-gaqavissunut tamakkiisumillu akileraartussaataitaasunut aammalu Kalaallit Nunaanni ukiuni qulini inuit allattorsimaffianni nalunaarsorsimallutik najugaqareersimasunut aamma Kalaa-llit Nunaanni ukiuni qulini tamakkiisumik akileraartussaataitaareersimasunut taamaallaat tunniunneqarsinnaasunngorlugu, UKA 2016-imut saqqummiinissamut Naalackersuisut peq-quneqarnissaannik Inatsisartunut aalajangiiffigisassatut siunnersuut.

(Inatsisartunut ilaasortaq Anthon Frederiksen, Partii Naleraq)

Aatsitassarsiorneq nunatsinni ukiorpassuanngortuni malunnaatilimmik inuussutissarsiutaassasoq ugartorneqarpoq, ukiuni makkunani tamassuma piviusunngornissaa qanilliartuaarnerusutut isikko-qarluni. Tamassuma malittaani maani najugallit amerliartuaartut annikitsumik aatsitassarsiorneqarpoq soqutigileriartuaarpat, Kalaallit allallu nunaqavissut arlallit ullumikkut akuersissummik peqale-reersimallutik.

Taamaattoq suli annertuumik sulisariaqarpugut, pisuussutit uumaatsut, nunatta sananeqaataa naa-pertorlugu periarfissaasut nunatsinnut inuinullu iluaqutaassappata.

Maannakkut annikitsumik aatsitassarsiorneqarpoq akuersissummik pissarsissagaanni nunatsinni minnerpaamik ukiut tallimat atatiinnarlugit najugaqarsimasuusariaqarpoq.

Siumuminngaanniik ukiut qulit sivisuallaartutut isigaagut, ilumut taama sivistiginissaa pisari-aqarpa?

Piomasagaatit akileraarnissamut, akuersissutilinnik nakkutiginninnerit ullumikkut sukannereerput, apeqquuserneqarsinnaavormi ilumut nunani allaniit Kalaallit Nunaannut ukiut tallimat nuuttoqar-tarnersoq annikitsumik aatsitassarsiornermut akuersissummik pinissaq piinnarlugu.

Taamaammat siunnersuut taama isikkoqartillugu itigartinneqarnissaa Siumumiit inassutigaarput.

Qujanaq.

Jens-Erik Kirkegaard

Siumut